



---

Broj:01-GV-02-636/18  
Sarajevo,30.05.2018. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – Prečišćeni tekst), Gradsko vijeće Grada Sarajeva, na 16. sjednici održanoj 30.05.2018. godine, primilo je k znanju

Informaciju o mogućnosti realizacije projekta održavanja Formule E u Sarajevu.

*PREDSJEDAVALJUĆI GRADSKOG VIJEĆA*

*Dr. Igor Gavrić, s.r.*





Broj: 01-05-3110/18  
Sarajevo, 24.05.2018. godine

**GRADSKO VIJEĆE GRADA SARAJEVA**  
**n/r predsjedavajućeg vijeća Igor dr. Gavrić**

**Predmet: Informacija o mogućnosti realizacije projekta održavanja Formule E u Sarajevu**

Poštovani,

Na inicijativu gosp. Samira Cerića, poduzetnika iz Velike Britanije koji je rođen u BiH, Grad Sarajevo je prije 6 mjeseci započeo neformalne razgovore o mogućnosti održavanja utrke Formule E u Sarajevu polovinom 2019. godine.

Formula E je takmičenje koje organizira Međunarodna automobilistička federacija (FIA), pod čijim okriljem se organizira i Formula 1. Bolidi Formule E su električni trkači automobili, a prva utrka održana je u Pekingu 2014. godine. Sve utrke Formule E održavaju se u središtima velikih gradova (npr. Hong Kong, Mexico City, New York, Rim, Pariz, Berlin, Santiago, Zürich) i u njima učestvuju slavni timovi i proizvođači, a utrkama se promovira zelena tehnologija. Formula E je postala drugo takmičenje po popularnosti i medijskoj zastupljenosti u hijerarhiji FIA-e, odmah iza Formule 1. Ona iz dana u dan postaje sve popularnija i atraktivnija i privlači sve veći broj obožavatelja automobilizma i ljubitelja tehnologije. U utrkama Formule E učestvuje i nekoliko bivših vozača iz Formule 1, kao što je Jacques Villeneuve.

U aprilu 2018. godine u Londonu, u sjedištu Formule E, održan je sastanak između gradonačelnika Sarajeva i čelnih ljudi Formule E. Na tom sastanku je rečeno da je Sarajevo ušlo u uži krug aplikantata za kandidaturu za organizaciju utrke Formule E 2019. godine u Evropi.

Budući da je ekološki faktor ideja vodilja Formule E, Sarajevo je ocijenjeno kao jedan od evropskih gradova s najviše zelenih površina, te je rečeno da postoje velike šanse da Sarajevo dobije ovu utrku 2019. godine. Utrke bi se održavale jednom godišnje u periodu 3-5 godina, u ovisnosti od dogovora sa vlasnikom licence.

Da bi Sarajevo i zvanično dobilo kandidaturu, potrebno je da tehnička ekipa Formule E dođe u Sarajevo kako bi dala konačnu ocjenu o mogućnostima i uslovima za održavanje utrke, na osnovu rezultata studije izvodljivosti koju bi trebalo izraditi u tu svrhu.

Za izradu studije izvodljivosti potrebno je izdvojiti sredstva u iznosu od 100.000 eura, koja je potrebno platiti vlasniku licence, neovisno o rezultatima studije. To je definirano u nacrtu Ugovora o studiji izvodljivosti između Grada Sarajeva i kompanije Formula E Operations, koja je vlasnik licence, čiji prevod se nalazi u prilogu ove informacije.

Eventualna pozitivna ocjena po studiji izvodljivosti i održavanje takmičenja Formule E bi predstavljalo veliki događaj za Sarajevo i postavilo bi naš grad na mapu Formule E zajedno s ostalim velikim svjetskim gradovima. Pored popularnosti i atrakcije, u ekonomskom i turističkom smislu takvo takmičenje donosi znatna sredstva svakom gradu u kojem se održava.

Grad Sarajevo moli Gradsko vijeće da razmotri ovu informaciju te da podršku za dalji rad i realizaciju ovog projekta.

**Gradonačelnik Grada Sarajeva**

**mr. Abdulah Skaka s.r.**

**Dostaviti**

- Naslovu
- Ured gradonačelnika;
- a/a.

ABB FORMULA-E  
FORMULA-E CHAMPIONSHIP

Formula E Operations  
3 Shortlands, 9 Floor  
Hammersmith, W6 8DA  
London

28. maj 2018.

**G-din Abdulah Skaka, gradonačelnik Sarajeva**  
**Grad Sarajevo**  
**Hamdije Kreševljakovića 3**  
**71000 Sarajevo**  
**Bosna i Hercegovina**

Poštovani g-din Skaka,

Bilo mi je veliko zadovoljstvo biti domaćin sastanka u našem uredu prošlog mjeseca u Londonu.

Kako bismo nastavili dalje s našim razgovorima u vezi mogućnosti da radimo zajedno u budućnosti i da potencijalno postanete grad kandidat, predlažemo da potpišete sporazum o studiji izvodljivosti koji smo Vam ranije dostavili. Nakon što potpišete sporazum, mi ćemo ga potpisati s naše strane i dogovoriti dolazak našeg tehničkog tima u Sarajevo koji će provesti studiju izvodljivosti, koja je neophodan korak za nastavak naših pregovora.

S poštovanjem,

**Alberto Longo**  
**Suosnivač & glavni oficir Prvenstva**  
**Formula E Operations Limited**

## SPORAZUM O IZVODLJIVOSTI

Ovaj Sporazum o izvodljivosti („Sporazum“) sačinjen je dana \_\_\_\_\_ maja 2018.

### IZMEĐU I OD STRANE

FORMULA E OPERATIONS, LIMITED utemeljene u skladu sa zakonima Engleske i Velsa, registrirane na adresi Shortlands 3, 9. sprat, Hammersmith, London W6 8DA, Ujedinjeno Kraljevstvo, registrirana u Registru privrednih društava pod brojem 08412477, koju zastupa Alejandro AGAG u funkciji glavnog izvršnog direktora kompanije (u daljem tekstu „FEO“)

### I

GRADA SARAJEVA, sa sjedištem na adresi: Hamdije Kreševljakovića 3, 71000 Sarajevo, Bosna i Hercegovina, kojeg zastupa g. Abdulah SKAKA u funkciji gradonačelnika Grada Sarajeva (u daljem tekstu „Grad Sarajevo“)

Grad Sarajevo i FEO u daljem tekstu „Strana“ ili kolektivno „Strane“

### OKVIR/POZADINA

- A. Budući da je 19. aprila 2013. Formula E Holdings Limited („FEH“), jedini dioničar FEO-a, sklopio Sporazum sa *Federation International de l' Automobile* („FIA“) za davanje licence FEH-u od strane FIA-e na sva prava neophodna za promociju, organizaciju, eksploataciju i upravljanje prvenstvima širom svijeta za električne automobile s jednim sjedištem, koji djeluje pod komercijalnim imenom „FIA Formula E prvenstvo“ („Prvenstvo“);
- B. Budući da je FEO 100% podružnica pod kontrolom FEH-a, imenovana od strane FEH-a za upravljanje i organizaciju Prvenstva;
- C. Budući da je Grad Sarajevo izrazio spremnost podnijeti FEO-u službenu aplikaciju za potencijalno Prvenstvo u utrci („Dogadaj“) u gradu Sarajevu, Bosna i Hercegovina („Aplikacija“ i „Grad“), putem ovog Sporazuma i u tu svrhu traži od FEO-a da **krene u izradu** studije izvodljivosti („Studija izvodljivosti“) predviđene urbane staze na precizno utvrđenoj lokaciji ili lokacijama unutar Grada („Lokacija“);
- D. Budući da je FEO, u skladu sa uslovima i odredbama ovog Sporazuma, spreman uraditi evaluaciju studije izvodljivosti za Lokaciju održavanja Dogadaja;
- E. Budući da su Strane saglasne da sklope ovaj obavezujući sporazum („Sporazum“) i uzimajući u obzir, nakon dobrog i pažljivog razmatranja, uzajamne ovdje sadržane

dogovore i sporazume, čiji se primitak i valjanost ovime potvrđuju, **DOGOVORENE SU SLJEDEĆE**

## KLAUZULE

### 1. Svrha

1.1. Grad Sarajevo ovime podnosi, a FEO prihvaća, Aplikaciju

1.2. Prilikom evaluacije Aplikacije, FEO će, nakon saglasnosti FIA-e, donijeti konačnu odluku na osnovu (i) rezultata proisteklih iz Studije izvodljivosti, (ii) svoje vlastite procjene lokacije i (iii) potreba i interesa Događaja za Prvenstvo s finansijskog, komercijalnog, tehničkog, sugurnosnog i sportskog aspekta.

### 2. Naknada za studiju izvodljivosti

2.1. Studija izvodljivosti sastojat će se od trodnevne (3) terenske posjete od strane tehničkog tima Formule E, nakon čega će uslijediti desetodnevni (10) uredski rad na evalauciji, što će uključivati:

2.1.1. Temeljite pripreme i ispitivanja za projekt moguće urbane staze unutar Grada; uključujući objekte kao što su, ali ne ograničavajući se na boksove za dolijevanje goriva, gledalište, tribine i ugostiteljski objekt;

2.1.2. Utvrđivanje i izrada plana izgradnje staze

2.1.3. Planiranje zatvaranja ulica; i

2.1.4. Evaluaciju i utvrđivanje troškova staze.

2.2. Kako bi FEO proveo Studiju izvodljivosti, Grad Sarajevo će platiti FEO-u nepovratnu nakandu od **STO HILJADA EURA (100.000,00 EUR)** („**Studija izvodljivosti**“) u roku od sedam (7) dana od zaključivanja ovog Sporazuma.

### 3. Komercijalna i medijska prava

3.1. FEO je ekskluzivni nosilac prava na komercijalna prava i medijska prava vezana za Prvenstvo.

3.2. FEO ima apsolutnu diskreciju vezano za eksploataciju komercijalnih prava i medijskih prava vezanih za Prvenstvo. Grad Sarajevo je svijestan da neće imati prava ni na jedno komercijalno pravo i/ili medijsko pravo tokom Prvenstva u utrci.

3.3. U svrhu ovog Sporazuma, „**Komercijalna prava**“ odnose se na sva komercijalna prava tokom Prvenstva i sve prihode od eksploatacije, uključujući pravo na eksploataciju imena, obilježja Prvenstva, službenog loga Prvenstva i prava intelektualnog vlasništva vezana za Prvenstvo; prava na izradu i distribuciju slika Prvenstva, u bilo kojem obliku; sva sponzorstva, oglašavanje, robu, licenciranje, prava koncesije, karata i ugostiteljska prava u vezi sa i za vrijeme Prvenstva; i pravo na iskorištavanje tempiranja i podataka vezanih za Prvenstvo. „**Medijska prava**“ odnose se na ekskluzivno pravo na pregovaranje i ugovaranje s trećim stranama koje se odnosi na izradu i distribuciju slika Prvenstva, uključujući bez ograničenja prava na proizvodnju, distribuciju i eksploataciju svih audiovizualnih prava i drugih medijskih prava za vrijeme Prvenstva širom svijeta, prava na naknadu za autorsko pravo, na bilo kojem jeziku, na bilo kojem mediju i putem bilo kojih načina prijenosa koji trenutno postoje i koji mogu biti izumljeni u budućnosti, uključujući bez ograničenja pravo na licenciranje navedenih audiovizualnih prava ili drugih medijskih prava bilo kojoj trećoj strani, pravo na imenovanje sponzora i oglašavanje u i putem odgovarajućih sredstava prijenosa i prava na zadržavanje svih prihoda od takve eksploatacije.

#### **4. Obaveza povjerljivosti**

4.1. Bez obzira da li je Aplikacija uspješna, Strana primalac zadržat će povjerljive informacije i neće sama, niti će dozvoliti svojim direktorima, oficirima, zaposlenicima, profesionalnim savjetnicima ili saradnicima („**Predstavnici**“) da u bilo koje vrijeme na bilo koji način, otkriju, prijave, objave, prenesu ili na drugi način otkriju bilo kojoj osobi, korporaciji ili drugom tijelu nijednu od informacija bez prethodne pismene saglasnosti Strane davaoca informacije.

4.2. Termin „Informacija“ ne uključuje nijednu informaciju koja je: (i) u vrijeme saopćavanja (ili odmah nakon što prethodno postane dostupna) opće dostupna javnosti (na drugi način, a ne kao rezultat saopćavanja od bilo koje od Strana, što bi predstavljalo kršenje ovog Sporazuma); (ii) je bila dostupna strani primaocu na nepovjerljivoj osnovi od strane izvora koji nije Strana davalac informacije, pod uslovom da Strani primaocu nije poznato i nije bilo poznato da je takav izvor bio vezan sporazumom o povjerljivosti, a koji se odnosio na informaciju; ili (iii) je bila nezavisno dobivena ili je nastala od Strane primaoca bez da je prekršena i jedna od obaveza ovog Sporazuma.

#### **5. Prava intelektualnog vlasništva**

5.1. Strane su svjesne da će se FEO smatrati za sve svrhe vlasnikom svih intelektualnih prava proisteklih iz ovog Sporazuma, a koja se odnose na Studiju izvodljivosti, zadržavajući ukupna i puna prava, naziv i interes. Grad Sarajevo je svijestan da će sva prava intelektualnog vlasništva koja su sadržana u ili u vezi sa pravima intelektualnog vlasništva biti i ostati isključivo vlasništvo FEO-a.

## 6. Važeći zakoni i arbitraža

6.1. Sporazum i svi sporovi ili potraživanja koji proisteknu iz ili u vezi sa njegovim sadržajem ili izradom (uključujući neugovorne sporove ili potraživanja) podliježu zakonima Engleske i Velsa.

6.2. Sve sporove, neslaganja ili potraživanja koja proisteknu iz, ili u vezi sa, ovim Sporazumom, uključujući valjanost, nepravilnost, kršenje ili prekidanje Sporazuma, rješavat će arbitražom Sud za međunarodnu arbitražu u Londonu („LCIA“) u skladu sa LCIA Pravilnikom 2010. Jezik arbitraže bit će engleski i arbitražna presuda bit će konačna i obavezujuća za Strane.

U skladu s navedenim, Strane su sklopile ovaj Sporazum u dva originalna primjerka, koja će, stupanjem na snagu imati puni učinak, u mjestu i na datum koji su navedeni na početku ovog dokumenta.

POTPISANO od strane **Alejandro** )  
**AGAG** )  
)  
Ovlaštene osobe ispred **FORMULA E** )  
**OPERATIONS LIMITED**

---

POTPISANO od strane **Abdulaha** )  
**SKAKE** )  
)  
Ovlaštene osobe ispred **Grada** )  
**Sarajeva** )

---